

海南府縣志輯

中國地方志集成

光緒澄邁縣志

民國儋縣志

乾隆陵水縣志

新學社
PDG

中國地方志集成

海南府縣志輯⑥

光緒澄邁縣志

民國儋縣志

乾隆陵水縣志

上海書店 ● 巴蜀書社 ● 江蘇古籍出版社

澄邁縣志目錄

卷首

新序

姓氏

贊

訓飭

卷一 輿地志

輿圖

沿革

星野

氣候

風潮候
漲海附

疆域

山川

嚴洞井
泉附

形勝

鄉都

風俗

古驗
附

土產

物產

陂塘

古蹟

營墓附

卷二 建置志

澄邁縣志

卷之首

目錄

城池

縣治

倉庫
附

學田

書院

義學

社學

寶興

壇廟

祠寺

亭塔
附

舖舍

坊表

橋梁

津渡附

都市

卷三 經政志

祀典

釋奠

學宮

學制

屯田

兵弁

保甲鄉
兵附

營寨

烽火墩
附

兵餉

卷四 經政志

賦役

錢糧

魚課

戶口

軍戶
附

田賦

錢糧

魚課

鹽課

鈔課
附

土貢

均徭

役匠
附

均平

民壯

驛傳

卷五 海黎志

海

海港

海寇

海防

黎情

平黎

黎寇

黎議

卷六 職官志

知縣

縣丞

主簿

巡檢

典史

教諭

訓導

河泊所

驛丞

城守

營官

卷七 官師志

宦績

流寓

卷八 選舉志

徵辟

進士

舉人

武科

貢選

廩增附

吏員

例職

井員
附

例貢

封贈

捐錄

卷九 人物志

鄉賢

儒林

孝友

義行

懿行

隱逸

卷十 人物志

烈士

烈女

節孝

仙釋

方伎

卷十一 藝文志

敕

贊

銘

議

記

賦

辭

歌

詩

策

卷十二 雜志

事紀

紀災

紀異

耆壽

澄邁縣志 卷之首

目錄

續修澄邁縣志序

昔子輿氏與滕文論政如井田學校分產制祿稱述古制至詳且備而乃要之曰此其大畧又曰潤澤在君與子豈非以審時因地固化理之要道哉澄爲瓊屬邑秦漢始置吏隸圖前此職方形方內史小史採訪風貢俗俱未之及故紀載亦缺而不詳吏斯土者欲求其地其時之利弊以爲設施緩急先後之宜莫若求端於志乘一書邑有志自康熙年間前令高君纂集後距今百有餘年其間風土人物事類實蹟之足當紀載者通升通降或十年一變或數十年一變漂

澄邁縣志 卷之首

新序

漂乎有文獻無徵之懼焉余自戊寅權篆茲土甫下車謀所以續而修之旋奉 大憲

奏修粵省通志下尺一飭各牧令續纂邑志呈繳爰集諸章縫李生光先輩蕙弄其事李生輩舉欣欣然起相應余因語以義例必精考據必詳是非必定取舍必公以成信史編摩閱兩霜告竣余取而讀之竊嘆澄在今日固易治之區而有可興之俗也邑去郡垣最近爲西路諸屬表環疆三百餘里固奇甸之雄封也山接瓊臺之秀水分五指之渠潮通以閩谷繪以圖遷客騷人之所題咏固交洲之勝地也戶口有民

戶軍戶之殊生齒甚繁也賦役有田糧魚鹽均徭均
平之異科則甚詳也以言乎兵防則有營弁有鄉募
而海防黎禦尤急也以言乎學校則有書院有社學
義學而賓興膏火皆備也以言乎民風士習則尙詩
書敦禮讓東坡所謂衣冠禮樂班班者也至於僑寓
名賢流風未墜宦遊君子教澤未衰捷南宮者五年
再見登秋榜者一舉四人若者掇元魁若者膺薦辟
若者以賢飛于鄉若者以文重於世敦孝友者若而
人尙行誼者若而人再如林間幽棲閭閻氣節無非
邁山澄水扶輿磅礴之精氣所鬱而發焉者也後之

生於斯長於斯與夫鳩鳩扈扈於斯者觀於封域山
川可以識經體控御之勢觀於戶口賦役可以識愛
養樽節之宜觀於兵防學校可以識捍災禦患與教
勸學之義觀於民風士習可以識轉移變化鼓勵振
興之道又以其時流覽先代之功業文章德行道義
性情名節之彪炳陸離更可以資觀摩興起薰德善
良聞風鼓舞使人革心慕義馴至化民成俗而政教
行也則是書固審時地沿革得失借鑑之
林有神化理豈淺鮮哉用走筆而爲之序
嘉慶二十有五年歲次庚辰六月中瀚署澄邁縣事

古耒陽謝濟韶敬撰

續修澄邁縣志序

從來縣之有誌猶國之有史國無史則一國之事人
將失據縣無誌則一縣之事人將失傳此理之彰明
較著者也澄邑地居海南外爲人文會萃之區在趙
宋時蘇軾曾至斯邑稱其禮樂彬彬實有中州之美
後之蒞此土者輒親歷邑之舊治循其賢舍見舊日
器猶有存者乃知蘇氏之言良非虛譽也方今

朝廷政治維新學堂林立多士應運而興舉凡典章文
物肆古來載在舊誌中者咸思重加參定廣爲搜羅
俾一縣之事實存在在更推擴精詳與二十四史諸藏

書同垂爲不朽洵爲一時勝舉雅不願以篇殘簡斷
一任其多所散失致後之人有文獻不足之慨鄙人
於丁未仲秋來撫斯邑下車之始接見邑中諸名公
聞金江市已設修誌局一所以備採訪諸紳董王君
映南馮君敬堂輩頗爲作序鄙人才淺學疎自慚難
以應命貽笑方家特以囑託甚殷未敢確辭遂勉強
敷衍數語以作遺念願知我者曲爲諒之
光緒三十四年歲次戊申秋月署澄邁縣事直隸鹽
縣丁卯科舉人王之襄敬撰

修志姓氏

總修

署澄邁縣知縣謝濟詔 湖南耒陽縣舉人

續修

特授澄邁縣知縣黃鳳詔 湖北黃州府黃安縣舉人

協修

澄邁儒學教諭譚鵬提 肇慶府高要縣舉人

澄邁儒學訓導馮奇畧 高州府恩平縣歲貢

署澄邁學訓導李新時 高州府信宜縣廩貢

協輯

澄邁縣志卷之首

姓氏

澄邁縣巡檢徐行 浙江烏城縣人

澄邁縣典史向智 四川陽華縣人

恩貢生 王執纁 周語 李光光

鍾錫福 王章綸 廩貢生 吳銀

分校

吳愛卿 增 王吳禮 鍾錫齡 王德彤 王選士

員生 王祚昌 李良元 曾省三 薛煥 陳見龍

襄事姓氏

布政司經歷 陳廷位 州 王大經 曾煥南

貢生 林永清 黃鳳朝 謝丕基 王圖綬

續修志姓氏

主修

署澄邁縣知縣龍朝翊 廣西臨桂縣人由進士翰林院庶吉士欽加花翎同知銜

續修

署澄邁縣知縣王之襄 直隸鹽縣人由丁卯科舉人欽加同知銜

纂修

陳所能 辛丑科舉人

王槐秀 癸酉科拔貢生

徐江繞 乙酉科拔貢生

總修

澄邁縣志卷之首

姓氏

王兆鳳 恩貢生

王培我 廩貢生

許昌齡 廩貢生

協修

馮光宗 附貢生

蔡金潤 廩貢生

徐江璧 歲貢生

王德溥 歲貢生

馬其長 丁酉科拔貢生

李大盛 同知銜

徐棟材 附貢生

鄭家鵬 歲貢生

王槐棟 廩貢生

採訪

陳明遠 廩貢生

陳金臺 歲貢生

王儒術 廩貢生

曾毓暉 廩貢生

羅續炬 廩貢生

黃映奎 廩貢生

王恩受 廩生

李標香 廩生

馮德禧 廩生

王時成 廩生

王統兼 廩生

吳世德 廩生

王美盛 廩生

王慶集 廩生

李大焯 增貢生

何錦清 增貢生

邱光明 增貢生

吳文斗 增貢生

王介聰 增貢生

蔡巨燊 附貢生

李鳴遠 附貢生

陳金勝 附貢生

李乃昌 附貢生

劉祥華 附貢生

王欽典 附貢生

王之球 附貢生

王建邦 附貢生

姜德栽 附貢生

王雄洲 附貢生

張景芳 附貢生

徐錦雲 附貢生

贊

御製至聖先師孔子贊 并序 康熙二十五年

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之

之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摘筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮立樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹墻可睹孔子之道惟中與庸此心此理千聖所同孔子之德仁義中正秉彝之好

根本天性庶幾夙夜惕哉令圖邇源洙泗景圖唐虞
載歷庭除式觀禮器擗毫仰贊心焉遐企百世而上
以聖爲歸百世而下以聖爲師非師夫子惟師於道
統天御世惟道爲寶泰山巖巖東海泱泱高萬仞
夫子之堂孰窺其藩孰窺其徑道不遠人克念作聖
顏子贊 康熙二十八年

聖道早聞天資獨粹約禮博文不遷不貳一善服膺
萬德來萃心齋坐忘其樂十致禮樂四代治法兼備
用行舍藏王佐之器

曾子贊

澄邁縣志 卷之首

贊

十一

洙泗之傳魯以得之一貫曰唯聖學在茲明德新民
止善爲期格致誠正均平以推至德要道百行所基
纂承統緒修明訓辭

子思子贊

於穆天命道之大原靜養動察庸德庸言以育萬物
以贊乾坤九經三重大法是存篤恭慎獨成德之門
卷之藏密櫝之無垠

孟子贊

哲人既萎楊墨昌熾子輿闢之曰仁曰義性善獨聞
知言養氣道稱堯舜學屏功利煌煌七篇並垂六藝

孔學攸傳禹功作配

訓飭士子文 康熙四十一年

國家建立學校原以興行教化作育人才典至渥也
朕臨馭以來隆重師儒加意庠序近復慎簡學使釐
剔弊端務期風教修明賢材蔚起庶幾棧樸作人之
意乃比來士習未端儒效罕著雖因內外臣工奉行
未能盡善亦由爾諸生積蠲已久粹難改易之故也
茲特親製訓言再加警飭爾諸生其敬聽之從來學
者先立品行次及文學學術事功源委有叙爾諸生
勿聞庭訓長列宮牆朝夕誦讀寧無講究必也躬修

澄邁縣志 卷之首

訓飭

十二

實踐砥礪廉隅敦孝順以事親秉忠貞以立志窮經
考義勿雜荒誕之談取友親師悉化驕盈之氣文章
歸於醇雅毋事浮華軌度式於規繩最防蕩軼子矜
佻撻自昔所譏苟行止有虧雖讀書何益若夫宅心
弗淑行已多愆或蜚語流言脅制官長或隱糧包訟
出入公門或唆撥姦猾欺孤凌弱或招呼朋類結社
要盟乃如之人名教不容鄉黨弗齒縱倖逃禡扑濫
竊章縫返之於哀能無愧乎況乎鄉會科名乃掄才
大典關係尤鉅士子果有真才實學何患因不逢年
顯乃標榜虛名暗通聲氣賁緣詭遇罔顧身家又或

改竄鄉貫希圖進取鸞騰沸網利營私種種弊情深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不待爾身有榮卽爾祖父亦增光寵矣逢時得志寧俟他求哉若仍視爲具文玩愒弗儆毀方躍冶暴棄自甘則是爾等冥頑無知終不能率教也旣負栽培復

澄邁縣志

卷之首

訓諭

十三

澄邁縣志

卷之首

藝文序

十四

序

出谷迎賓圖序

明邱濬

瓊山內閣大學士

澄邑之西北有谷焉山幽而地腴泉甘而木茂蕭然有塵外氣象隱君子與濬偕器居其間與濬好賓客賓客亦樂訪之故有攜琴相訪有載酒相訪者遠至數十里多至數十人殆無虛日與濬每出谷迎之暑無難色客有慕之者繪而爲圖一日瓊城殷彥中持以示余且曰此出谷迎賓圖爲泉鑒吳濬偕器設也斯人昔嘗遊賢宮今退而隱居於是谷之中其道亦近似於子敢祈一言以序之辭不獲乃謂之曰古之隱於谷者吾得二人焉鄭子真隱谷口見稱於楊子李愿歸盤谷獲序於昌黎然不知是二人者當是時果有賓客訪之否也設或有之不知曾出而迎之否也有與無迎與否不可知也所恨者予非韓楊之流不能發揮之俾與二子並傳於世耳雖然聖朝文治方興深山窮谷豈無子雲昌黎出焉吳濬誠能遇是人而迎之又何患不得與二子並流芳於天下後世哉予雖未獲荆譙然觀其圖思其人亦欲一拜橘竹之表不知吳濬亦能迎吾否也姑書此以爲後會之張本

澄志啟引嘉靖三十二年

林堪本學教諭

自古山川與人物相爲重輕上圖景宿則辨於天文下料物土則析於地理既其磧礫而不窺玉淵者未知驪龍之所蟠也故必登泰華之巔而後山河形勢宛然眉睫升凌風之臺黃雲之樓却月露寒之觀則星覺櫛堵海漕山詹舉瑰壯特奇之偉麗耳澄之爲治雖僻處溟滢一角之涯然品其域望他方亦莫與京雙闕水口天馬盡頭通潮傑閣天乙未明長橋卧波赤雲何龍捍門砥柱未齊何虹觀其登臨氣槩未嘗不突兀古今矣風氣日開文章彌炳山川之葱鬱

澄志縣志

卷之首

藝文序

十五

人物之彬軒曾有一榜四人而唐發解者顧不將齒燭乎中州哉何也蹊媚澤之川者堪求磊穎陟輝山之岫者庶搏溫栗澄所由來要皆經天文辰馬之墟沿賜履建侯之地入於實相境與智合惡寧以疇昔苟中曾口律今日之澄邑耶山益憑而水益澄余顧爲之引以表斯誌之元焉

修縣志序萬曆四十四年

曾拱璧明縣

澄邑舊志蓋修自吾閩林邑博去今六十年所矣其間升降沿革詭俗土風語而不詳斷而不續典故寢湮探討茫如增修之業竊有志焉未遑也會 備兵

澄志縣志

卷之首

藝文序

十六

督學姚公下車首檄州縣所爲志且曰是翼國史厲風教胡可闕者余咨訪靡存僅旁按散軼撫拾遺餘以進司世謂何心滋懼焉退而與文學羅浮劉君端溪饒君謀所以纂而修之乃集諸章縫網羅累列總表於鄉紳二先生兩閱月告竣報其命於姚公一切筆削倫次悉出庚定梓成余讀而卒業洋洋灑灑封域之環植戶口之錯陳宦蹟鄉聲羽儀倫表嚴修閭節弁冕人寰自聚繡禮祥以迫飛潛動植與夫黎岐海蟹之類靡不畢載或直書婉書例嚴旨與陳平家鉅裨官小史幾與蘭臺石室等澄基重矣豈非縫掖之徒輯其畧鄉紳之彥討其詳姚公復以如椽之筆整齊其緒遂斐然成信史耶昔龍門遺編父子世官三都草賦十年乃竟成何容易要以創始者難爲功修飾者易爲力茲澄志也獨事詞重乎哉上下得失之林證嚮古今之會山川未改習尚日熟六十年間累世所撫摩兩膏所浸灌名卿高賢所培植聲名文物齒於中邦無論路馬二公蕩平以來卽同示林博士所論著不知幾經增廓矣至於一種清真齋素質而不椎文而不靡彬彬先進遺風則千古一日也非志重澄澄實重志登山者不羨崔嵬峭絕而重巨鎮

觀水者不羨蜃樓珍錯而重洪濤澄之爲澄於山則五指之望於水則溟渤之廣且深於人接其賢士大夫依稀邱文莊海忠介其儔者顧不重與如是卽以徵往俟來並存不朽可矣姚公之鎮瓊也起淹拔滯振綱肅維一時士修校民修野屬吏靡不修於職辟則苦益而吾偃處焉又如艸木獲滋培以托根也其誰能忘大造情况異日者人而登九列拜三公抽秘蘭臺主盟石室宇內咸瞻 國史之實錄豈惟爾澄是余何能爲澄重重澄重志其終以共尊公也夫

修縣志序

姚履素 提學

澄邁縣志卷之首

藝文序

十七

澄邁古爲苟中縣隸珠崖至隋大業中分建更今名宋開寶始隸於瓊以迄勝國志有無不可考 國朝志創於廣文林堪爲嘉靖之甲寅彼時去成宏不遠其政事人文頗可得而紀云隆萬以來吏於土者率以文獻爲附贅無論續筆香聞卽遺槩故牘蔑如也余因行部以問於邑大夫曾君拱璧則索民間得蠹簡繕錄示余且疏纂修狀某可資聞見某可備校閱度用梓幾何楮公不律幾何悉取諸俸錫於公帑無與余報可未逾兩月編靡成乃率弟子員洪才李白馥李同春李應順陳侯周林可書等若而人手一帙

澄邁縣志卷之首

藝文序

十八

問序於余余訝其速讀卒業仍舊文者什八新入者什二仍舊中加點竄者又什二篇類名目畧爲庚訂又喜其摭拾之詳品核之確而可爲一邑信史也辟之於木根荻葩萼詎不兩重哉然而務葉絕根葉不虛附蒨根蒨葉根不外著治邑者亦猶是矣且夫人之一室藜藿弗充則有饑寒之虞揖讓不開進退無次則有林野之誚門戶不扃懷橡不蓋則有盜賊風雨之憂何暇念及譜牒家乘爲子孫世世計長久乎是數者俱備罔缺矣而爽德厥躬乃述先代若家衆之懿美與其家業之興替以傳示後人世以爲非謬卽諛君子不與也夫邑之有志亦猶家之有譜牒也其載之政事人文則先代若家衆之懿美與其家業之興替以傳示後人者也曾君旣式於明作而勤宣其和惠履任以來上無數政下無罷民稅課不急而輪獄訟不厲而簡則亦旣免赤子於饑寒矣且以時課莠飭戎百廢且舉葺邑治整費宮廣學田城西塔有復伏波祠有建衆不知費之所從出俾聽鹿鳴者日以繁而警狼烟者日以恬蠹茲黎岐染衣冠而顧化則揆文奮武兩酬之明驗也余聞曾君受業於徐匡嶽先生聞道論於豫章仁心爲質不頽不瀦以問

率弟子員講德膠序率耆老鄉民宣讀 聖訓之六章最爾渺邇不啻家吟戶誦矣此誠修譜牒家乘爲子孫世世計長久之一時也余固曰信史也蓋麟經絕筆五百年馬史乃興嗣是代有作者此百世之大政譚何容易若一邑之紀以三十年爲世再世而甲子遞左右易閭童叟改步諸所沿革勢不容不變於前而通於後澄志創構迄今甲子週矣夫此不圖將老成謝而聞見涇圖庸何及茲時即欲以編摩讓之後人烏可得哉不佞十載刑官奉使瓊海緝惟古善用刑無最如繇咎乃大禹誦之不過曰邁種德耳使

澄邁縣志

卷之首

藝文序

十九

臣有聲者范孟博其最也史稱孟博慨然有澄清之志茲兩人豈非百世之師哉夫邁之爲義屬於躬而澄屬於邑政然不自澄而能澄世者亘古及今無有此澄邁兩言蓋余所自矢矣是編也當政成之後得其序敦率先之化得其本值甲子之週得其時而余猶以澄邁兩言告於繼此之邑大夫與諸司士庶也於是乎言

賦役全書序

國朝謝天頤訓導

吾儒於名山誦讀致君澤民之念矢之夢寐必欲效之當官故一命之士心切民生莫不於人有濟素所

期許者然也及身膺民社遠貨利是圖以傳舍斯其職守誅求 藝以秦越待其民人豈

朝廷倚任之意兆姓待命之心哉安所稱不負所學不負斯民以不負乎

天子不佞司鐸澄庠閒嘗觀風問俗每見奔競相高瘡痍未起爲之扼腕久之乃諸俊秀屢向余言曰澄非殘邑也縣制之規畫素定奈當事者膜外視之督索多端士民苦於賦役斯凋敝日甚爾余曰不然善宰治者制在必行即萬難措手中尤當婉曲通變以宜民苟僅能遵守已不免膠柱之譏矧蔑法自私因以病

澄邁縣志

卷之首

藝文序

二十

民乎邵康節謂法雖嚴正賢者盡心之時能寬一分則民受一分之賜平素之自命謂何豈不一聞而行之外也及蒙委攝篆即其所見揆之所聞乃知膏脂有盡雜費無窮諸俊秀之言信不誣也因取全書參閱爲之綜其大綱稽其曲節以一歲之所入供四季之所需上而各官俸薪下而諸役工食若者應起運若者宜存留若者爲歲辦若者給額辦若者爲雜辦臚列詳備昭如指掌乃進諸生而告之曰嘻全書所載周悉如此倘遵行勿失民有不寧一者乎我輩愛鼎水藥可茹自不徇差放之私滋灑派之弊特恐靡

胥之流舞文階厲身漁厚糈反以朘削譏令民疲竭澤并以煩苛謗法與其事後釐剔孰若先爲防範之愈也不佞叨承委命令膳一樣數本印給永泰恭貴諸鄉里老俾各執守雖不敢自謂於誦讀克究厥施大有造於澄民然聊盡區區以無負一日之責諒亦合邑士民與後之主政者宜有同心也寧忽弁髦乎余言

重修縣志序

康熙十一年

丁斗柄知縣

聖王體國經野創制立法非不欲千百年世守如一自然風會推移卽一姓相承尤不無中晚之歧矧運

澄邁縣志

卷之首

藝文序

三十一

際鼎革八已蕩平 國家監前代以立謨相時宜而定制徽猷令甲直追隆古吏斯土者不嘉與維新著爲獻典又安能覽升降而知所維挽察盈虛而力爲整救使政治之古若也余甫下車詢及縣志見舊簡已殘新編未梓八垂意於此以弊陋未除通賦日積簿書執掌未遑也茲奉

部文咨取正協夙志因與庠彥謀曰是舉也將旁搜博採循故增新安得雄才卓識博記洽聞定是非明取舍以昭一代之文獻者乎諸生進曰邑乘之修明經廷授教職曾先生典學前於六年已經採集編定更歷

澄邁縣志

卷之首

藝文序

三十二

數年復恐或遺使再考衷詳訂刪幾矣因折節敬求不一月而告竣余取閱之初焉見山川封域之勝人文物產之民俗風土之淳漓習尚前後之同異不特此也戶口增耗關財賦之盈絀政治得失係仕宦之賢庸學校聲教之隆替俊逸閭閻之昭垂以及災祥垂象不啻天心之示警變異迭現凜若帝鑒之在茲至若嘯歌吟咏撰述記序之屬凡有補於天理民彝發而爲嘉言善行尤君子所當加之意者按倣史例燦然可觀舉數十年之升降事類巨細罔遺卽兩朝之因革實錄亦昭如指掌倘閱之者流覽於廢興治亂之間留心政教嫺美賢豪不可謂非古今得失之林勸戒之資也則斯志豈徒工紀載敘沿革始末已哉實亦臨瀛澄土者之一大龜鑑矣

重修縣志序

彭 鐸訓導

益聞志者記也邑有志以記閭閻人物臧否風土淳漓及夫氣數祥祺豐歉核實成書以俾彙考雖屬稗官野史然後來炯鑑實嘉賴之世遙更則紀述宜續否則今漸遠夫昔後復遯夫今昔不及徵後將益踳况事歧兩代更變不一倘老成謝而聞見湮文獻將奚準耶

國朝之興二十餘年典章實錄史不勝書則訂刊邑志以

述前後亦今日可世一重務也可視乎哉茲

丁公以朔方英傑擢兩榜而宰百里敬賢禮士省徭

恤民捐金修學沛澤招氓德偏鰥寡化被黎岐庭池

鞭林政簡刑清卓有古循吏風承

部取志穆然曰今

王化大行海隅出日罔不率俾而遐陬邑乘奉文採取豈

慮政治或未翔洽歟則所貴乎志者旌別揚休必秉

三代之遺直傳百年之鑒戒上稽古而下信後令簡

冊昭揭世世足垂不朽斯善耳於是與二三友生偕

澄邁縣志

卷之首

藝文序

二十三

請明經候選曾君舉前年編輯并今所觀遇者而校

訂之裒益更定無幾日月而告竣付梓凡縣治學校

薦舉戶口兵戎物產沿革盈縮治忽得失古今事蹟

炳若日星余捧讀之但見體裁雖不必同大都事核

而該義嚴而正且美而溢惡無隱其文典贍若翫懸

而百物昭焉使後之君子觀風考政彰往詔來覽方

域而知圖經理核財賦而知謀節縮覘風俗而知轉

移考人物而知其臧否按土產而知所封殖觀祥災

而知所修禪則斯志殆更治之明監而不泯之洪業

矣嗣蒞茲土其受賜豈鮮淺哉余不文樂觀厥成謹

竭鄙誠恭疏小引

重修縣志跋

曾典學

邑人新

邑之有志猶國有史也然史館歲時珥筆志書數十

年一修世遠事湮聞見不及揣摩奚據苟非識優心

正論斷不偏欲大綱紀而鑒戒昭衆目張而幾微著

豈易言哉吾澄邑志修於明萬歷間爾時風教休隆

多士奮興賢書仕宦先後蟬聯是以一舉修志則有

鄉先生前輩典型足備顧問有庠俊彥博物洽聞長

於著述集衆腋以成裘鑄九金而作鼎彬彬然也

今已過甲子其間變易不知凡幾今

澄邁縣志

卷之首

藝文序

二十四

國朝鼎興因革損益燦然一新而邑乘殘缺未梓則文獻

無徵曷勸盛典乎縣尹丁侯甫蒞任而軫民剔弊

留心於思艱圖易之治作人繕學加意於典章文物

之隆比及三年生聚教訓幾於有成奉

部檄取志會集庠友與本學彭先生禮訪至再命將往

年纂修折衷詳訂務臻完美以垂信史乃說者謂稱

官野乘奚當於

秘閣綸音簡其大畧足矣余曰不然古先聖王採風問

俗太史陳詩以志貞淫烏知是舉非即咨詢嘉謨課

吏治審風尚之至意歟倘簡畧以應使後之君子咎

余知有不及洵所不辭如罪戾古荒經自某人始則
余豈敢故凡縣治之沿革學校之建置財賦之增損
戶口之多寡風氣俗尚物產旅寓諸類考其疑闕增
其新補山川封界之險地切倭岐而述海警黎情之
詳治急討禦而具卒亂兵防之備人物仕宦之賢否
勸戒必求其詳彙德可師紀孝友以明倫芳猷足式
錄生香以興賢敘久隱逸景高尚之清修表旌節義
彰閭閻之懿範田賦及於雜需額役示民隱之當恤
紀異及於祲祥災變見天戒之宜謹又有關於治體
無微不錄事有切於風化雖幽必揚閱月而成輒夫

澄邁縣志

卷之首

藝文序

三十五

亦罄其知之所至爲之使後之過化於斯者寓目其
間感發興起思前代英傑固已治盛於古近日賢哲
有以善化於今宏濟斯民光昭史冊庶無負今日之
採取而於興道致治未必無小補云

舊志序

邑令 秦大章 翼城人

幽居稽古不願爲夔龍以下之品堯舜君民之想外
矣矢諸寤寐矣迫膺

簡

天衢拓得下邑人曰此海外殘疆也將必地方累官愚謂
不然祇求官無累地方則足矣比愛事以來極耳目

之所聞見身心之所鞠瘁果有裨重鳩之所不能鳩
四維之所不能維者喟然嘆曰天下人類之不齊至
於斯也風氣之不侔至於斯也豈三代直道獨不能
行於斯地耶抑司牧者無道以處此耶用是洗心滌
慮端已率物取其可因者因之可革者革之借僕秀
而課文藝講禮讓兩越月若華面焉然已饑已溺之
思時惕於中而報

君報

國之懷不輟於慮其得以自主者留有餘於民間其不
得以自主者竭股肱於

澄邁縣志

卷之首

秦大章舊序

三十六

國家察包攬之積弊而釐剔之鑒量差之糜費而力革
之所最難者催科之中欲寓撫字陽城難之而劉晏
韓洸更難之若夫量其緩急酌其難易權其多寡而
省刑導歛之意常存於朝考夕糾之下或亦撫字之
見端乎執掌之餘檢得邑乘緇問所至見夫川嶽鍾
秀代不乏人自宋迄今薦辟有李彌高吳瑞若而人
制科有洪溥李宜若而人明經有梁京蔡暹若而人
其間甲第蟬聯人文蔚起指不勝屈至於報
國如吳景暉篤孝如王進慶好施如梁備文學如贊襄
隱逸如林迷豪傑之興不擇時地乃若烈如李氏

如王氏美不勝傳大都皆燐炳一時流芳百世者也
使後之人讀是志而有感焉可以作忠可以作孝可
以撥巍科可以敦禮讓雖然又在牧斯土者實心任
事興起教化由是而移風易俗革薄從忠或不無小
補於民社云

舊志序

邑令 高魁標 直隸涪州人貢

澄邁在漢名苟中縣即今治之那舍都而張弛措注
俱失其紀隔大業因邁山澄水移置爲今名隸瓊州
則自宋開寶也邑有志昉於明之嘉靖林學博堪重
修則萬歷時邑令曾君拱璧繼之則今

澄邁縣志

卷之首

舊志序

三十七

皇上康熙十一年丁君斗柄又繼之則二十七年秦君
大章嘉靖而前志有無無可攷也古者山川甸服掌
之職方方言土俗掌之小史內史而國史因之故郡
邑之有志徵往昭來以備輶軒之採即陳詩觀風遺
意而授時出政富教兵刑皆取資焉其爲志也尙矣
余蒞任之始首閱邑志見其敘次舛錯鏤梓非工豕
亥莫辨急思所以纂輯而見聞未確有志未逮早夜
兢兢所以治惟撫流亡寬賦斂興廢舉墜自宮墻廟
貌城池倉廩官署講院以及祠寺橋梁亦旣以次增
修矣今秋得少閒自忘其愚陋集紳士之老成鍊瑳

旁按遠討互相商確於舊志之訛者訂之謬者正之
雖不離其本根而脫其面目而刪繁補漏亦已云多

至於一切新增非確有據援公之輿論不敢妄譽一
人妄及一事試嘗就斑按部以辨區域以固封守以
順氣候以宜土俗志疆域第一城郭井廬坊表津隄
胡以創胡以增志建置第二戶口盛衰田賦高下升
役重輕愛養樽節之心生志賦役第三膠庠爲儲育
人才之地加意振興志學校第四申警備閱卒走安
不忘殆志兵防第五阜民成化惟良牧乎志秩官第
六幽谷重俱蘭蕙芳焉珠璣育焉志人物第七境內

澄邁縣志

卷之首

舊志序

三十八

所急無踰防海審要害加屯戍鍊民兵儆戒無虞黎
爲瓊管大事前人論畫設施具在在因時以措置志
海黎第八物其土宜稽其往蹟災異之來皆不徒然
細碎錯雜而紀之曰雜志列第九文章不朽之盛事
也珍珠咫尺光輝藝圃想見鴻章之麟轍志藝文以
殿全書列第十大率是書之成祖述郡乘推本前史
折衷群書上而天文下而地理中而人事莫不批郢
導窾竟委窮源每舉一綱而約序其概卽一篇之首
歸洞然韓子所謂覽其緒裁其贊紀事必提其要纂
言必鈎其元者準其意以成志匪徒記故實美觀覽

而已務使人不出戶庭而周知四境之外坐而談起而可行敷政學民優優有具也後之君子下車而求治理於是乎取豈惟不使賴之

修鉛山縣文廟序

吳續姬邑人

從來風俗之善視乎人才而人才之隆關乎教化學校者聞教育才之區也鉛爲信郡望邑學校之設由來舊矣前代屢有修葺我朝康熙己酉吳君士恒實鼎構之規制較前加恢擴焉迄今百餘年矣歲庚寅冬予奉簡命承乏茲土甫下車卽齋宿謁廟見夫茂草蒙茸牙簪黷穢竊欲除而新之祿視事伊始

涇道縣志

卷之首

藝文序

二十九

未遑梓舉辛卯春邑中紳士詣署環相告曰文廟爲首善之地目覩棟朽垣頽實忤忤心動學師謝森園先生殷勤念切議修者三無何以經費浩繁躊躇輒止願遲之又凡將頽者益頽朽者益朽其費不愈滋且大乎予聞言而壯之曰文廟士人家廟也爲之義奚容辭且予曩有志而未逮茲正樂承所請而贊勸焉於是涇吉興事先繕正殿木腐且燒者貸以美材壞於上者撤而覆之剝於下者除而甃之漫患於中者塗暨而丹堊之新位帳飭邊豆凡所以妥靈者罔弗備徐及東西二廡名宦鄉賢兩祠櫺星門泮池橋

進而明倫堂以暨齋房膳室靡不一一修理而整齊之經始於是歲之春二月越仲秋而告成斯役也計費千餘金不煩公帑不擾民財皆邦人士欣欣樂輸而爭助焉予因之重有所望矣夫

聖人在天之靈原無希冀於人之崇奉也第文運之興發每視人事爲轉移昔費氏先人倡修學宮捐貲獨多而食報獨厚陳君葛坡疏濬泮水而科第蟬聯捷如響應今者舉事方興茲禮闈者六捷南宮者二得非文運興發之明徵歟行見雲飛鳳翥蒸蒸日上登鼎甲陟台輔追蹤前徽寧復有艾况鷺湖爲文憲舊邦

涇道縣志

卷之首

藝文序

三十

由此雅化翔治真才輩出俗美風醇上臻隆理姬不敏僅拭目以俟